

Auala e maua ai le Pacific Engagement Visa (PEV) Employment Support Service

Ua fa'atuina e le The Australian Government se auaunaga lagolago fua i atunu'u o lo'o auai i lea polokalame, e fesoasoani ai i tagata talosaga ua filifilia mai le palota mo le sailia o se galuega i Ausetalia. O lenei, ina ia mafai ai ona e ausia mana'oga o galuega mo le PEV. Fa'amolemole fa'aaoga lenei pepa o fa'amatalaga e fesoasoani ia te oe e malamalama atili ai i le auaunaga o lo'o tuuina atu.

? O le a le PEV Employment Support Service?

O le PEV Employment Support Service na te tu'uina atu ni mea faigaluega ma ta'iala e fesoasoani ia te oe ia malamalama i le maketi o galuega i Ausetalia, fausia ni tomai e fesoasoani i su'ega o sau galuega, ma feso'ota'i atu ma fale faigaluega i Ausetalia.

✓ Lagolago o lo'o avanoa

O le lagolago e mafai ona e mauaina e aofia ai:

- Sauniuniga mo galuega ma faiga masani i fale faigaluega – lagolago i le sailia o se galuega i Ausetalia ma le malamalama i faiga masani o galuega i totonu o Ausetalia
- Atina'e lou mautinoa i le su'eina o galuega – o fa'atalanoaga i luga o le initaneti (webinars) e fa'amalosia ai lou tomai e fa'atautaia ai le su'ega o lou lava galuega, e aofia ai le auala e talanoa ai ma pule o galuega, malamalama i la'asaga ta'itasi o le faagasologa o le su'ega o galuega, ma le fo'ia o lu'i masani e mafai ona e fetaia'i ai
- Feso'ota'iga ma pule o galuega – e feso'ota'i ai oe ma pule o galuega i Ausetalia e talafeagai ma lou tomai ma lou poto masani
- Fa'atalanoaga i fa'amatalaga e uiga i galuega – fa'amatalaga e uiga i le maketi o galuega i Ausetalia, avanoa faigaluega i itulagi 'ese'ese, fa'apea fo'i ma

fa'amatalaga aoga e uiga i le tusiaina o talaaga faigaluega (resume), tusi aofia (cover letters) ma le sauniuni mo fa'atalanoaga

- Lagolago mo feso'ota'iga ma pule o galuega – fautuaga mo le fa'atalanoa e uiga i lou tulaga o se tagata talosaga mo le PEV pe a e feiloa'i ma pule o galuega e ono fia fa'afaigaluegaina oe.

✈ Fa'afeso'ota'i le PEV Employment Support Service

E mafai ona e maua le PEV Employment Support Service e ala ile:

✉ Imeli mai matou i le employment@pevsupport.com.au

💬 Resitala mo le Employment Support Session i le pev.gov.au

A e lafoa mai se imeli ia i matou, o le a muamua ona e maua se tali otometi o lo'o iai fa'amatalaga e uiga i le auaunaga fa'apea ma so'otaga aoga e fesoasoani ia te oe e amata ai ona saunia oe mo le su'ega o galuega. O le a tali atu le PEV Employment Support Service i lau imeli i totonu o le 7 aso fa'apisinisi.

Le malaga a le tagata talosaga

O se aotelega lautele lenei o la'asaga 'ese'ese e ono feagai ai se tagata o lo'o maua le lagolago mai le PEV Support Service. Peita'i, e tulaga ese aafiaga o tagata ta'ito'atasi ma atonu e fai sina 'ese o auala o lou lava aafiaga. E mafua lenei mea ona e fetuutuunai le PEV Employment Support Service – e mafai ona tuuina atu ituaiga eseese o lagolago ma e mafai ona soso'o pe toe faia nisi la'asaga e fuafua i ou mana'oga.

1 Ua fa'amaonia le tagata talosaga

2 Auai le tagata talosaga i se Fa'atalanoaga mo le Talosagaina o Visa (Visa Application Session)

3 Auai le tagata talosaga i le Fa'atalanoaga i luga o le initaneti mo le Fa'atomuaga i le Employment Support Service (Introduction to the Employment Support Service Webinar)

4 Maua e le tagata talosaga la'asaga e soso'o ai: Pepa fa'atumu mo le Puipuiga o Fa'amatalaga Patino ma le Maliega (Privacy and Consent Form)

5 Auai le tagata talosaga i le Fa'atalanoaga i luga o le initaneti mo le 'Job Preparation Toolkit' (Job Preparation Toolkit Webinar)

6 Fa'atumu e le tagata talosaga Fesili mo Tagata Talosaga (Applicant Questionnaire)

7 Ulufale le tagata talosaga i le faagasologa o suega o galuega. Amatalia le suega o galuega talafeagai

8 Maua e le tagata talosaga le lagolago mo fa'atalanoaga, siakiina o fa'amaumauga a'o le'i amata galuega, ma konekarate mo galuega

9 Auai le tagata talosaga i Fa'atalanoaga tau Fa'amatalaga a'o le'i Malaga (Pre-Departure Information Session)

O le PEV Employment Support Service e auai na te tu'uina atu fautuaga ma le lagolago i la'asaga uma o lau talosaga. Atonu e mafai ona matou faia ni feso'ota'iga mo oe ma pule o galuega i Ausetalia, e fautuaina pea le tagata talosaga ina ia fa'aauau ona talosaga mo galuega i lo latou lava taumafaiga. O lou taumafai ma lo matou lagolago, e mafai ona e mauaina se galuega lelei ma sauni mo le soifuaga i Ausetalia.



Vaitaimi fa'atulagaina mo le auina atu o se tali

- A mae'a ona e fa'afeso'ota'i le PEV Employment Support Service e ala i le imeli, o le a e mauaina se tali otometi e fa'aailoa mai ai ua matou talia lau fesili ma o le a matou tali atu i totonu o le 7 aso fa'apisinisi. Fa'amolemole fa'afeso'ota'i mai matou pe afai e le'i maua atu se tali i totonu o le vaitaimi fa'atulagaina
- A mae'a ona fa'atumu la matou Fesili mo Tagata Talosaga (Applicant Questionnaire), matou te fa'afeso'ota'i atu oe pe a maua se galuega e talafeagai ma oe. A o fa'atalitali mo se galuega e fetau ma oe, matou te fautuaina pea tagata talosaga ina ia fa'aauau ona latou talosaga mo galuega i lo latou lava taumafaiga.





Saili atili e uiga i le PEV Employment Support Service i le pev.gov.au

I luga la matou upega tafailagi, e mafai ona e saili ai isi punaoa, e aofia ai o pepa fa'amatalaga tau galuega ma fa'ata'ita'iga mo talaaga faigaluega. E mafai fo'i ona e lesitala i Fonotaga o Fa'amatalaga mo Galuega ina ia a'oa'o atili mo le sailia o se galuega i Ausetalia.

